



kal.komp.

220084



Mag. St. Dr.

P

Posa.

Teol. 52.55.

Krupceki Andreae Gregorij: Coronamentum
sanctitatis et vitae St. Ludovici et Romae.

C

SS

D



C

f

M

I

CORONA- MENTVM

Sanctitatis & vitæ

SS: LVDOVICI & ROSÆ,

Dum ad solennem Canonizationis actū,

Triumphali ritu.



Ad Ædes SS: Triadis

Cum effuso in immensos applausus ex-
ciperentur Gentis Polonæ.

G A V D I O

Votiva Oratione

*IN AMPLISSIMA DOCTISSIMORUM
VIRO RUM CORONA.*

A

M. ANDREA GREGORIO KRVPECKI,
Philosophiæ Doctore ac Professore.

CELEBRATVM.

Anno Salutis restauratæ 1671. Die II. Octobris.

C R A C O V I Æ,
In Officina SCHEDELIANA S. R. M. Typographi:

e.

In Stemma Illustrissimæ Domûs
SKARSZEWIANÆ.



220089.11

*Horrea dum spectas SKARSZEUIA germine vana,
Vana tamen non sunt laudibus ac meritis.
Nam pridem Patria totas fruges tribuerunt,
Et messem totam nil retinendo sibi.*

ALBERTVS ZABOROVSKI,
Audit: Gramma.

Illustrissimo & Excellentissimo Domino,
D. STANISLAO
A SKARSZOW
SKARSZEWSKI,

Castellano Woinicensi Magno Procurationis Craco-
uiensis Administratori, Drochobicensi, Zło-
torienfi, Baruardiensi, &c. &c.
CAPITANE O.

Domino, Domino & Patrono COLENDISSIMO.

Impleuit nuper fama vniuersum Septentrionis Orbem,
imò irradiavit, insueto Sanctitatis lumine SS. Ludo-
uici & Rosæ Polonæ sedes, Illustrissime ac Excellen-
tissime Domine. Nouum id decus nouo pectorum
nostrorum exceptum applausu, mentem quoq; sollicitauit meam, vt
deuota istius Panegyris dedicationi, clarissimum Tuum aduocem
Patrocinium. Nec mirum equidem vocat enim insigne virtutis he-
roicæ, vetus admodum & ad omnem Poloni Orbis dignitatem natum
Gentilitium, in quo virtutes ceu ex composito, supremam dum occu-
pauerunt stationem gloriosius nusquam inuenêre suis habitaculum splē-
doribus. Angustum certe est, quidquid ex blando venit voto ad com-
mendationem futura posteritati. Habebit equidem quod suspiciat in
Te non ad vanam alicuius fucata famæ iactationem verum ad emu-
lam ex tuis virtutibus imitationem, in peius iam nunc eunti sæculo
propositum exemplar, cui non in adulationem seruum pecus blandi-
entium, fumosas apponet imagines: Sed ipsa perennis gloria suau-
susurro loquetur posteris Virū, cuius Candor in Patriam, raro exem-
plo fidelitatis suæ, inter confusa partium studia explicuit integerri-
mum pectus. Atq; ignarus odij supra inuidiam ordinauit fida ad
salutem publicam consilia, tam parum de priuatis sollicitus odijs quam
certe de communi rerum persuasus incolumitate. Nec prima ista in
Te est virtutis indoles, fuere certè clara in rostris Maiorum tuorum
facundiæ Lumina Luxêre in Senatu Illustris Prosapiæ Tux decora;
quorum magnitudini tantū Senatorium adaugere potuit honoramen-
tum,

rum, quantum generosi Spiritus innata dexteritatis longa serie ab Illustrissimis Comitibus, TANISLAO de SKARSZOW & ANDREA Castellanis Calissiensibus, PETRO Gnesnensi, & TANISLAO Biechouiensi, IOANNE Capitaneo Ilzecenſi, ſua præſtantia à primis Regni Poloni explicabant claritudinem incrementis. Neq̃ tantum Reipub. ex Clariſſimis venit gloria Viri & Veſtra honor Domui. Ad ſtuporem Orbis Poloni gratulabantur nobis Regiones extera Cœlitus ferme datos Eccleſiæ Paſtores. Illos Bernardos Poſnaniennes, Florianos Plocenſes, Petros Cracouiennes Præſules, Quorum hucusq̃ liberalem manum, & effuſam magnifici pectoris loquuntur beneficentiam tot Baſilicæ, quotcunq̃ felicitate rara tantis vigilibus potiebantur rerum ſuarum cuſtodibus. Ita ſemper in ſublimis ſcandebat aſcenſus veſtrorum gloria meritorum, & ſi quando fortuna ceca defuit ſucceſſibus, non tamen altam ab incepto curſu immortalis fama reuocauit mentem. IOANNEM Germanum Tuum decus Per- auguſti Capituli Cracouiennis, quid memorem: in quo Maieſtas ex ſui magnitudine animi, conſecta modoſto ſenſu, imò verò inſolita prudentia, eminebat tamen, & Virum commendabilem, admiratio citra ſua excipiebat vota. Illuſtriſſimi Parentis Tui Nicolai Caſtellani Radomienſis Sacra memoria, celebranda haud ſegni Calamo, quantum torſit præteriti cui ingenia. Cuius probitatis & vitæ integerrima, ad priſcos Polona virtutis mores formata, non facile cuiq̃ erat politiori etiam complecti Minerua. Felici fato rerum citra fluctuantem, in ſua mobilitate vicifitudinem Domus Veſtra per omne Poloni Orbis ſæculum, in Maiores aſurgebat ſplendores. Cui heroica iſta conueniebant ut & feliciori conueniunt ſucceſſu Tibi Illuſtriſſime incrementa quibus iam ſuccumbit nunc primum ingreſſa campum facundia. Neq̃ credere fas eſt anguſto iſti loco, tanti prædicationem Viri. Ex quo Reſpub. ſubſidium in ambiguis certiffimum, Princeps fidelem animum, Patria calamitatum leuamen remedium potius ex perſpicaciſſimo conſilij & genij acuminis: dum cupide præſtolatur, reportat copioſus. Viues in Tuo & Tuorum fulgore, ſuffragium rebus afflictis Patrocinium pupillis, protectionem legibus & noſtra allaturus Academia. Viues in Tua chariſſima Prole & propones virtutum Poſteris ampliſſimum theatrum venerandum in Illuſtribus tuis IOANNE ANTONIO & IOSEPHO FELICIANO Filijs. Quorum futuro ſucceſſui SS. LVDOVICI & ROSÆ lumina pro Tua liberali munificentia & illorum celeberrimi Actus ornamento, placabilia offerent Numina. Et ad augem honoris, gloria. & virtutum perducent herotarum. Quod ego dum vogueo Tuis nunquam ſinem viſuris laudibus ſuccumbo officioſus.

Illuſtriſſimæ ac Excellentiffimæ Magnificentiæ Tux.

Cliens æternum deuotus

M. ANDREAS GREGORIUS Krupecki, Phil. Doct. & Profeſſor



ORATIO.



Magna illustris amplitudinis Nomina à longinquis Gentium nouissimarum venientia oris Stylo affectu, genio, voce, obsequio non celebrare, non dico inhumanum, sed inuerecundum & impium esse, A. Habet Diuini quiddam iuris humana mens in sublimibus residens pectoribus, imò naturæ incorruptæ communionem perpetuam; ipsa probitatis Specie per omnia Authorem secuta rerum, adeoq; aspectu venustissima cœlestes spirat gratias, Cœlestium quodam singulari priuilegio, vt in terris æternæ Maiestatis honor & veneratione per maxima minimaq; æquali diffusa intentione ius explicet suum. Nec vano liberi voti aut friuolæ innitor arbitrio mentis, tot iam vocibus proclamatum est, ore etiam ipso Æternæ veritatis paradoxum istud, seruataq; terrestris magnitudinis illæsa præstantia, scilicet non inuidet suam mortalibus fortunam illa Maiestas immortalis, ac tantum cum illis partitur sua, quantum mensura humanorum est capax votorum. Præclarum equi-

A

dem

dem est potiri suo bono, & ex alienis suaues colligere fructus laudibus, in maiorem quippe vbertatis suæ excrescere molem plus de proprio quam alieno accipiendum est. Felicem in hoc magnitudinem, felices in magnitudine Viros quibus tanta venit aliunde etiam illius accessio boni, pro cuius possessione sudor, sanguis, & illud altum Regale, infatigabile, (virtutem intelligo) opponitur bonum. Et certè si qualecunque est splendoris ius veri, ad non fucaram in momentaneis commendationem, quid tandem vocibus Cælestium approbatæ claritudini opponemus? non hic pro ingenio facultas formabitur dicendi, vilis cum tenui conticescet ingenio loquella, in tanta triumphantis Ecclesiæ lætitia, & publico vestrum omnium applausu, affectu certandum est, non eloquentia, vincit effusum liberalis vultus vestri gaudium in immensum hamanam facundiam. Vincit ipsa rei magnitudo ausus maximos, suis, utcunq; fidentes viribus. Cœlestis splendor Clara facie lucis, frangit communem dicendi sensum. Sed aude animè, aggredere meditatum opus, eripe te rebus humanis. En magna Nomina Septentrionales sua magnitudine circumsonant plagas. **LVDOLVICVS & ROSA** Terras aduentant nostras, i obuiam gratos hospites gratissima excipe humanitate, maximum, inde relaturus præmium, si legatos leuandis rebus nostris afflictis & turbatis, non vt Abraham instructa & compositâ ad pingues epulas mensâ, sed pio affectu, sed corde integerrimo,

mo, liberali in deuotos applausus pectore, inuita-
bis. Poscit hoc rara illorum Sanctimonia, poscit
religio, poscit præsens hilaritas, & amplissimum
coronamentum: Cuius dum vmbratilis hæc
suada, languido claritudinem attentat explicare
genio; Tu Deuote Aud: quem Solennis hæc con-
uocauit vaticani triumphi, & amplissima totiùs
Ecclesiæ celebritas applaudentem rebus concede
aurem & liberalem in effusa rerum materia angu-
stæ propone beneuolentiam dictioni.

Coronata suis virtus trophæis ipsa sibi &
præmium & encomium, rostra sublimia cothur-
no laudum, non minus exornans quam exonerans;
suæ amplitudinis fructus immortales, nec nume-
rare par, nec iactare auida; quocunq; Terrarum
placidissimum suum circumfert vultum plures ad-
miratores percenset quam præcones, vndiq; tri-
pudijs, vndique cum studio erumpentibus stipata
votis, affectibus desiderijs pedem vel primo li-
mini triumphalem figere non vsqve cum placida
sua didicit industria, scilicet prælustri sic visum &
placitum magnitudini, nunquam surdis aut Squal-
lentibus dare nomen angulis, quanquam & in illis
suis latitare nescit fulgor, supremum illum per ar-
duam superatum luctam ascensum, in luce, in fa-
cie, in oculis populorum versari experimur. Stu-
pendum virtutis ingenium ad omnes innata vi du-
ratum impetus, fractis angustiarum perfectioni
suæ obstantibus iniurijs, illud denique cogitur at-

tentare aut verius occupare bonum, pro quo infirma fragilis nostræ mortalitatis ægrè certant studia. Et certe miramur omnes immensum iubar, virtutis, tot circumseptum vndiq; radijs, quotcunque heroicarum actionum specimina, largos suos cum infracta magnitudine explicant ordines. Nunquam enim pulcherrimū bonum suo frustratur decore, & meritum Authoris in maius semper excrevit encomium. Primam istam à cunabulis traxit virtus indolem, cui prodigiosas circa caput non nouum intueri flammæ & rebus dubijs secundum polliceri Vaticinium, vt vel nomen ipsum Sanctum primo exortu orbi sese venerandum obijciat. Vidit Orbis Claras in suis fulgoribus virtutes aut suos in virtutibus fulgores, nunc etiam cum stupore ad sæculorum æmulam imitationem in nostro **LVDOVICO & ROSA** nunquam sine magna honoris profusione memorandis suspicit accuratius. Quidquid enim magni aut supra humanæ conditionem naturæ asurgere in ingentem potuit molem, id rara felicitate illorum insitum animis, Cœlestes etiam non mortales fatigaret cogitationes. Magnum profectò est balbutienti ore nē confusa quidem verba effundere posse, & iam insignes virtutum heroicarum producere fructus, iam Cælos onerare votis prius virtutis quam communis lucis aut creati sensum percipere mundi, prius dulcedinum immortale haurire nectar antequam innata lactis materni veniat cupido. Habet aliquid credulitatis suspecta antiquitas infanrem infan-

Herculem angues suis elidentem fingens viribus;
iam enim magis, quàm Herculiana agitati virtu-
te primordijs laborum infantes nostri suam op-
ponunt innocentiam; tetrum & primoquoq; aspe-
ctu formidabile certamen, pio ausu, Diuino po-
tius ductu, sine suis ineunt viribus. Hanc nimi-
rum magnarum mentium naturam esse, mensuram
suis non præscribere viribus, & ipsam ætatis ma-
turitatem, factorum maturitate præuenire. Nec
alius decuit animus Sanctos nostros in tantum ma-
gnitudinis & Sanctitatis ituros theatrum. Luber
enim iam in amplissimam eorum vitæ excur-
rere Sanctimoniam, quæ non tantum à primis il-
luxit incunabulis; verùm innumeris stipata meri-
torum fulgoribus, in graui & horrenda omnibus
lucta, quibuscunq; hæc immensa Orbis compages
in oculos venit, cum Communi & iurato nomini
nostro infernali prædone, cum delicijs, cum ipsa
fortuna, victrix semper in maiorem lucis suæ exi-
uit claritudinem. Quid enim expectari potuit à
tanto pijsimarum mentium in longinquissimis
partibus exortu? nisi in supremo constituta gra-
du perfectio virtutum omnium omnes cum fa-
ctu arroganti in fumum abituras spes blandientis
mundi propulsura quid Sanctius sperari? quam
ineffabilis illa in delictum cordis Diuini natorum
luminum vnio; quid gratius & rebus commodi-
us nostris? quam rarum illud exemplar probitatis,
erroneos componens, in integrum perfectionis
Christianæ statum, cogitatus. Vidit valentia,
B imò

imò tota Hispania, valido semper nisu currentem
in odorem suauitatis Diuinæ L V D O V I C V M
suum, & quanquam modestissimo loco pietatem
explicare conantem, nunquam tamen, quamuis
obscura latuit virtus, sed clara sua extulit indicia.
Amor ille in immensum erumpens bonum, quot
in immatura ætate maturos exposuit fructus, ty-
rocinia illa Sanctitatis, nunquam cum humana
comparanda possibilitate, crediderim extra natu-
ræ sensum sita fuisse; illa maceratio continuis ie-
iunijs tenuissimos & paruo etiam comparatos sub-
trahens ori sacro cibos. Illa seuerior quietis par-
simonia, insomnes (heu quantus rigor inno-
centis animi plerumque) ducens noctes, casta
semper mens, casta conscientia, cum obdormire
non potuit lasso corpori vix ad modicam quie-
tem durioris humi aut informis ligni arbitrium
dedit; indolens quotidiano in miseros homines
calamitatum insultui; commiserationem Chri-
stianam vario exercuit officio, vt quocunq; mo-
do alienarum leuaret grauitatem angustiarum, vl-
trò grauibus deuouebat se difficultatibus.

Vidit & Lima Vrbs Peruiæ celeberrima illi-
mem R O S A M, imò rota America, pars noua
orbis, nouum vastitatis suæ decus, per totum dif-
fundens mundi ambitū odorem suauissimum, fra-
grantia cuius cœlos penetratura, sui candoris æter-
nas impleret dulcedine mentes. ROSA M inquam,
naturæ prodigium, cui cœlesti venit prodigio no-
men R O S A M cœlituum, delictum præcipuos
cui

cui cæli fauores inter filios & filias hominum nunc
primum sortiri contigit ore sacrosanctæ Virginis
contextum encomium. ROSA à Sancta MA-
RIA. Felicem verè ROSAM, in perpetua ver-
nāntem sæcula; quo Magistro infans Virgo ad te
meus umbratilis sermo) effusa in Diuinos amores-
quinquennio Sanctum illud virginitatis tuæ con-
cepisti votum? Hæccine mentis puerilis indoles,
cui mille fluctus in sua obueniunt leuitatis incer-
titudine. Non potest magnum aliquid nisi à con-
sumata mente & alto prouenire spiritu. Vnde
tibi infanti tanta magnanimitas, haud utiq; cum
summis conferenda viris. Certandum esse cum
Capitali imò domestico hoste, ad cuius vel pri-
mum congressum frangi humanas vires, in con-
suetudine est, quæ ista fiducia? Nec Annibal suo
ausu ad aras perpetuo auersionis & infensi animi
contra Romanos strinxit se voto. Nec Scipioni
robur suum contra Pænos tantum adauxit animi
fuerê illis fortunæ, fuerê facultatum subsidia. Sed
Vicisti o ROSA, fragranti tuo candore, omnes
mortalium conatus fragili innixos magnitudinē;
ætas illa innocens, quod ex sancto didicit spiritu,
pactum id ad extremos vitæ conseruauit dies; vi-
cisti Cœlestem Sponsioni tuæ applaudentem Spon-
sum, imò vulnerasti non iam in vno Capitis tui
Capillo, sed omnem Cæsariem decus indolis mu-
liebris eximium amputando. Omnis tua dulce-
do in Sponso cordis tui, fel amarissimum contra na-
turæ ipsius fastidium potum, delicato tuo suffice-

bat ori, inedia extenuatum corpus non vsum carnis ad reficiendas vires tibi persuadere potuit, cui & ipsam exiguam admodum panis quotidiani subtrahebas portionem. Quid agis o ROSA contra naturam est torquere corpus suum, squalorem appetere, cibis non tantum vilibus, sed tætris & horrendis uti, stupendam vitæ Sanctimoniam! sæuire in corpus suum licet modum sæuendi excedere non licet. Excessisti o ROSA candidissima varijs cruciatibus, Cilicijs catenis, imò tormentis infirmum exagitando corpus. Natura liberum in nocturnam cuiq; quietem concessit arbitrium, o quam miris turbaueras illud modis? Cubile illud ad ineffabilem cruciatum ex fragmentis testarum compositum, quod tibi somni interrumpebat dulcedinem cum duram frangere non potuit mentem, fregit tandem sensum, dum exanimis à cordis tui dilecto Sancti propositi placidâ excipis confirmationem aure: cui lectulus ille pretiosus (Crucem sanctam intelligo) cum tuo conferendus erat lectulo. Insueta hæc sunt. O A. Sanctitatis & vitæ in sæuientem rigorem exempla prolabentia, liuor malignus orbis obliquo semper aspiiciens virtutem oculo, tantū non potuit lucis in medio tenebrarum ferre exortum cuius suauissimo & candidissimo vehementius offendebatur splendore. Nec defuerunt sane, qui genio sæculi conformare, sine secus deprauare clarum virtutis Satagebant iubar. Vota illa Sanctissima strictioris vitæ petebant conuentum, & vnum Religiosæ disciplinæ desiderium

rium Sanctas æqualis pietatis zelo iunxit animas,
quas sæuus furor à tam pio proposito non vno de-
terrebat incommodorum genere, suadebatur vitæ
delicioris impropere status molli lenocinio, fu-
catæ cum scenico fulgore inducebantur deliciæ,
blanda illa voluptatis facies, mortalium cæco im-
petu mille deuouens incommodis pectora, in lon-
gum suas fallaces explicabat artes. Sed non potu-
it castas & heroicas ab actu heroico reuocare men-
tes, imò corroborauit magis, diu luctantia corda,
inter temerarios impiorum votorum ausus. Quan-
ta hæc est gloria vestra ô Cœlestes deliciæ. Scyl-
lam præternauigastis nec abripi potuistis. Cha-
rybdi conseptæ, non retentæ Circes poculum bi-
bistis non mutatæ ad Lotophagos accedendi non
remanendi indicta necessitas, Sirenes conspiciere
non accedere concessum vobis. Nimirum arcanū
istud naturæ esse, latens orbis Scientiam in viuis
numerari, & vitalibus non subesse affectionibus,
vtri communi viuendi luce non tamen frui sensi-
bus. Quid nunc cum fluxu blanditiarum ages im-
petu o munde? Victoria cui iam in vsum venit, cum
ferox tuum & haud difficulter vinci paratum sub-
mittis collum. Sed certat adhuc Parentum con-
tumax studium, non precibus, verum grauiori ob-
iurgatione, & duro verberum conflictu, mentes
Sacras magis affligendo, quam pio deturbando
proposito. Verum vana hæc est formidinis vm-
bra: Amori non violenta manus iniici potest, non
carcere impediri valet obscuro, non vinculis deti-

neri, it inuincibilis, quo sua vocat virtus; nec ardua impediunt, nec mollia frangunt, nec aduersa deprimunt, nec secunda inflammant æquabili cursu intentionis, ad suum fertur bonum. Venit ergo iam ad feruentioris finem desiderij expectatio, celeberrimam vestram Religiosissimi duo luminaria subeunt cum suis fulgoribus Sphæram, veniunt cum sua claritudine, claritudinem ferunt, an quarunt, ambiguum! scilicet explicandæ Sanctimonix, non utique magni capacitas orbis illis sufficere potuit, suffecit angustus locus Sanctorum tritus pedibus Virorum, in quo Diuinæ soles Sapientix inperpetuas fulgebunt æternitates in quo suaucolentes HIACINTHI insatiabilem iucunditatis Despirabunt dulcedinem, in quo tot radiantia in suis virtutibus sydera, perpetuum dedere posteritati nomen. Annuit Diuina Maiestas casto religiosæ intentionis voto, effusam infinitæ gratiæ offert copiam. Hic iam Senensis CATHARINÆ iterum conspicio in ROSA Vestra Coronas, iam suauissimæ DOMINICI Prædicatio facundo ex ore LVDOVICI, immortale fundens nectar ignotas personat terras, imò Gentium diuersarum rudi & ad crudelitatem magis, quam humanitatem nato, cum vestra etiam Religiosissimi admiratione venit in captum intellectui. Quam magna vis virtutis adamante frangens & dissipans intractabiliorem cordis duritiem. Hoc demum est Aud. cordi loqui, & verbum mentis interiori porrigere sensui; Nec me rapit admiratio tanti vestri
o Magna

o Magna terris lumina in cælos iam properantia
miraculi. Loquuntur enim vel ipsa in duram
faxi molem, naturæ, vi, indurata pavimenta, rigo-
rem vestræ castissimæ vitæ, quæ madentem san-
guinem & continuis currentem corporis flexibus
excipiebant liberalius. Loquuntur vel ipsi me
tacente parietes, & decus deprædicant suum, quibus
non utiq; decentius erat rutilo condecorari auro,
quàm pretioso vestro tingi Sanguine fulgor Cœ-
lestis vestra ambiens tempora aut cum suavi odo-
re virtutis, sacris erumpens oribus obuersat ante
oculos toties mortalibus visus oculis. Est vnde
glorietur fecundus ordo vester, aliorum facundis
non utiq; indigus laudibus, cui domi lucidi soles,
Domi splendida nascuntur sydera, non vnquam
deliquioni creatis connaturali subiecta rebus. Sed
quid ego claritudini triumphi vestri, imò nostrum
omnium tenuem meam oppono loquellam? Non
vox mortalis rei tantæ sufficiet vbi conceptus ipsa
multiplici vbertatis confundeatur mole. Adeo
nemini mortalium contigit præmiari insigni lau-
dum virtutem apotheosi, quæ præmiorum nescia
omnia sub pedibus habens, cælos æquat altissi-
mos: & cui tantum in occasu suæ gloriæ veriùs
obuenit experimentum. Eant hodierna lumina
in suam claritudinem tantis angustijs linguam ex-
plicent meam, quorum Romana Maiestas accessit
cum suo tripudio honori, quibus animas exha-
lantibus Sanctas totus cum dulci cantico occur-
sauerat Cœlituum chorus, & nunc inter destinatos

sacris virtutibus honores applaudit felicius qui-
bus inter communia totius Christiani Orbis vota;
nostra quoque Polonia graui calamitatum pressa
pondere, vixq; mille erroribus quassatum leuans
caput assurgit; & tantam Maiestatem obortis præ-
summo gaudio veneratur lachrymis. Erigit spes
nostras Clarum patrociniij lumen cui in Diuina
virtute & Panes multiplicare egentibus & medellâ
ferre dubijs, & ferali tactos officio in vitam iam
desperatam reuocare non minus solenne, quam
gloriosum erat. Date leuamen o pia lumina flu-

ctuantibus rebus nostris, vota date pro no-
stris votis & æque salutaria omina,

quàm magna auete nomina

D I X I.



qui.
ota ;
effa
mans
oræ-
spes
mina
ellā
iam
nam
flu.



